

Headlines

1. जम्मू-कश्मीर च पिछले दो बरें च ई.पी.एफ.ओ तैहत 1 लक्ख 60 ज्हार नमें उपभोक्ता जुडे ना दोहार गारंटी स्कीम तैहत 3 लक्ख 50 ज्हार लोकें गी 4 ज्हार 390 करोड़ रपे दा दोहार हासिल होआ।
2. जम्मू-कश्मीर दा बजट दूर दरेडे इलाकें तगर लोक सेवाएं दी पुज्ज यकीनी बनाने लेई इक गैं ऐ, आखेआ मंत्री सकीना इतू होरें।
3. मंत्री सतीश शर्मा होरें आखेआ जे राष्ट्र निर्माण ते नशीले पदाश्रें दी माड़ी कवैतू खिलाफ लड़ाई च सभनें दा सहयोग लाजमी ऐ।
4. आई.सी.सी टी-20 विश्व कप च अज्ज संज्ञा भारत दा मुकाबला नामीबिया कतै होगा।

<><><><><><>

RS-EPFO J&K

श्रम ते रोजगार मंत्री शोभा करंदलाजे होरें आखेआ ऐ जे जम्मू-कश्मीर पिछले दो बरें च 1 लक्ख 60 ज्हार नमें कर्मचारी ई.पी.एफ.ओ यानि कर्मचारी भविक्ख निधि संगठन च शामिल होई गए ना। राज्यसभा च प्रश्नकाल दरान जम्मू-कश्मीर च बेरोजगारी दे मसले पर बोलदे होई मंत्री होरें दस्सेआ जे सरकार नै नोजोआनें गी अगगे आहनने आस्तै कई स्कीमां शुरू कीतियां ना। उनें दस्सेआ जे उद्यम पोर्टल पर 8 लक्ख 20 ज्हार इकाईयां पंजीकृत न जेदे करी 32 लक्ख लोकें गी रोजगार थ्होआ ऐ। क्रेडिट गारंटी स्कीम तैहत 12 लक्ख करोड़ रपे दा दोआर पूरे देश च उद्यमिणं गी दित्ता गेआ ऐ जदके 3 लक्ख 50 ज्हार लोकें गी 4 ज्हार 390 करोड़ रपे दा दोआर सिर्फ जम्मू-कश्मीर च गै दित्ता गेआ ऐ।

<><><><><><>

Budget-Announcement

सेहत ते मेडिकल शिक्षा मंत्री सकीना इत्तू होरें अज्ज आखेआ जे मुखमंत्री उमर अब्दुल्ला होरें दूर-दरेडे इलाकें च सेवा देआ'रदे कर्मचारिएं आस्तै बजट पेश करदे होई जारी करने दी महत्वपूर्ण घोशणा कीती ऐ। मंत्री होरें एह जानकारी विधानसभा सदस्य जावेद अहमद हुंदे सवालै दे परते च दिती। उनें लौऽ पाई जे इस अच्छी पहल कन्नै दूर-दरेडे, पिछड़े इलाकें च लोकं गी सहूलतां देने च बेहतरी औग, खास करिए सेहत, शिक्षा ते दुए खेत्तरें च। उनें जोड़ेआ जे हाल च गै सरकार नै जे.के.पी.एस.सी गी मेडिकल अधिकारिएं दी 480 भर्तिएं आस्तै आखेआ ऐ। उनें दस्सेआ जे चुनने दी प्रक्रिया पूरी होने मगरा नमें डॉक्टरें गी दूर-दरेडे इलाकें च ते सेहत केंद्रें च नियुक्त कीता जाह्ग जित्थे स्टाफ दी कमी ऐ।

<><><><><><>

New Tourism Areas

राई-बाई मंत्री जावेद अहमद डार होरें जानकारी दिती ऐ जे सरकार जम्मू-कश्मीर च नमी सैलसफा आली थाहें गी अधिसूचित करने सरबंधी प्रस्ताव दी जांच करा'रदी ऐ जिंदे च किश महत्वपूर्ण थाहां बनि, लोआंग, सरथल शामिल ना। मंत्री होरें विधानसभा सदस्य डॉ. रामेश्वर सिंह हुंदे सवाल पर मुखमंत्री उमर अब्दुल्ला हुंदी थाहर जवाब दिंदे होई एह गल्ल आक्खी। उनें आखेआ जे टूरिस्ट हट बनाए जाडन तां जे यात्रुएं आस्तै सुविधाएं च बाद्दा होऐ ते टिकाऊ सैलसफे दा विकास होऐ।

<><><><><><>

Flood Tawi

जल शक्ति मंत्री जावेद अहमद राणा होरें विधानसभा च जानकारी दिती जे तवि दी राखी हिफाजत ते हाड़ें दे प्रबंधन आह्ला कम्म हर ब'रे केंद्र शासित प्रदेश दे कैपेक्स ते नाबार्ड तैहत कीता जंदा ऐ। एह जानकारी मंत्री होरें विधायक सुरेंद्र कुमार हुंदे आसेआ पुच्छे गेदे सोआलै दे परते च आक्खी। जावेद राणा होरें आखेआ जे हाड़ें थमां बचा आहले केई सारे कम्म हत्थें च लैते गेदे न जिंदे चा 6 सबूरे होई गेदे न ते 5 बक्ख-बक्ख चरणें च ना।

<><><><><><>

Mock Drill Kathua

सुरक्षाबलें लखनपुर रेलवे ट्रैक कश माँक ड्रिल दा सरिस्ता कीता तां जे कुसै बी आपात स्थिति दरान बले बश्कार तालमेल दा जायजा लैता जाई सकै। इस कार्रवाई दा मकसद प्रतिक्रिया आहले सरिस्ते गी होर बेहतर करना ते रेलवे दे ढांचे सने यात्रिएं दी सुरक्षा गी यकीनी बनाना ऐ। डीएसपी मुस्कान होरें आखेआ जे इयै जनेहू अभ्यास रोजमर्रा दे सुरक्षा तंत्र दा हिस्सा ना इसदा मकसद संवेदीशील इलाकें च सतर्कता गी बदाना ऐ।

<><><><><><>

Prog. Announcement

आकाशवाणी जम्मू दे प्रादेशिक समाचर एकांश आसेया कल 13 फरवरी गी विश्व रेडियो दिवस दे मौके पर 25एं मिन्टें दा इक विशेष कार्यक्रम प्रसारित कीता जाग- जेदा विषे होग- "रेडियो ते आर्टिफिशल इंटेलिजेंस". 13 फरवरी गी दपैहरी 12 बजे प्रसारित होने आहले इस कार्यक्रम च सहाडे परोहने होगंन- वरिष्ठ प्रसारक ते साबका स्टेशन डायरेक्टर शमीन्द्र कुमार जेहडे इस विशे पर अपने माहिराना विचार सांझे करगंन। इस कार्यक्रम दी मेजबानी साहडे न्यूज एंकर जगमोहन शर्मा हुं'दे आसेया कीती जाग। एहू कार्यक्रम मीडियम वेव 303 मीटर यानि 990 किलोहर्टज ते एफ.एम 100 अशारिया 3 मैगाहर्टज पर प्रसारत कीता जाहग।

<><><><><><>

Satish Drugs

खेडू ते युवा सेवा मंत्री सतीश शर्मा होरें नशाखोरी खिलाफ समावेशी राष्ट्र निर्माण कट्टे होइऐ बरोध करने पर जोर पाया। मंत्री होरें जम्मू युनिवर्सिटी च पशु विज्ञान च नवाचार संरक्षण एकीकरण, जलवायु बदलाव ते लोकसेवा विशे पर राष्ट्री सम्मेलन गी संबोधित करदे होई आक्खी। दो ध्याडे दा राष्ट्री सम्मेलन 12 ते 13 फरवरी गी जीव विज्ञान विभाग पासेआ आयोजित कीता गेआ ऐ। मंत्री होरें आखेआ जे भारत नमेंपन, टिकाउपन ते समावेशी विकास राएं इक नमें युग च दाखल होआ'रदा ऐ। उनें जोर देइयै आखेआ जे राष्ट्र निर्माण दा आधार समावेश, बराबरी दे मौके ते समाज दे हर वर्ग दा विकास होना चाइदा।

<><><><><><>

Ramban-Drugs

नशीले पदार्थों की रोकथाम सरबन्धी प्रशासन रामबन नै प्रेगाबेलिन दोआइएंगी डॉक्टर आसेआ जारी पर्ची दे मगरा गै देने लेई आखेआ ऐ। एहू पर्ची पंजीकृत डॉक्टर वगैरा दी होनी लोड्चदी।

<><><><><><>

Education-AI

शिक्षा मंत्री धर्मेन्द्र प्रधान होरें आखेआ जे सरकार शिक्षा क्षेत्र च आर्टिफिशियल इंटेलिजेंस-ए आई दे इस्तेमाल गी बढावा देआ र दी ऐ। दिल्ली च भारत बोधन एआई सम्मेलन-2026 च उने आखेआ जे भारतीय शिक्षा व्यवस्था च एआई पर तेजी कन्नै कम्म होआ र दा ऐ ते इस दे आस्तै देश च पर्याप्त युवा प्रतिभा मौजूद न। केन्द्रीय मंत्री होरें आखेआ जे एआई गी भारत दी शिक्षा प्रणाली च कक्षा 3 थवा लेईए उन्नत शोध स्तर तकर पाठ्यक्रम च शामिल कीता जाग। कन्नै गै इसी इक शोध विषे, नवाचार दे मॉडल ते संचार रणनीति दे तौर पर बी शामिल कीता जाग।

<><><><><><>

DLSA-Udh.

जिला कनूनी सेवा प्राधिकरण उधमपुर आसेआ अदालत परिसर च मुफ्त अक्खिएं दी जांच ते मेडिकल शिविर दा सरिस्ता कीता गेआ तां जे आम लोकें गी जरूरी सेहत दिक्खभाल आहली सेवा उपलब्ध करोआई जाई सकै। एहदा मकसद अदालत च औने आहले लोकें, आले-दोआले दे बसनीकें गी सेहत सेवा उपलब्ध करोआना हा। इस शिविर दरान खरी मती गिनतरी च लोकें गी सेहत सरबन्धी दिक्खभाल आहली सहूलत हासिल होई। मेडिकल दे पेशे कन्नै जुडे दे लोकें अक्खियें दी जांच ते होर सेहत सरबन्धी जांच कीती।

<><><><><><>

JU-Media

जम्मू युनिवर्सिटी दे जर्नलिजम ते मीडिया शिक्षा विभाग ट्रांसलेशन क्लब उत्साह नै Voice of Dogras कन्नै रलिए कल इक ध्याड़े दी कार्यशाला दा आयोजन कीता जेदा विशे हा Weiting our Jammu from culture to creativity जम्मू दी कहानी, जम्मू दी जुबानी। इस कार्यशाला दा मकसद नौजोआन लेखकें गी मकामी भाशा च कहानी सुनाने दी शैली च जम्मू दी संस्कृति दे इतिहारस बौ लिखे आस्ते प्रोत्साहित करना हा। पत्रकार प्रदीप दत्ता ते नवीन नवाज होरें इस मौके मुख परौहने दे तौर पर शिरकत कीती ते मशहूर लेखक विक्रम सिंह ते कर्नल अजय रैना होर मानजोग परौहने हे। वक्ताएं रिवायती कहानिएं राएं मकामी संस्कृति ते धरोहर दी जानकारी देने दी जरूरतै पर लौऽ पाई।



Army-Medical

साबका फौजिएं आस्तै भारती सेना नै अज्ज प्रीतम स्टेडियम पुंछ च मुफ्त मेडिकल कैंप दा सरिस्ता कीता। साबका फौजिएं ते उन्दे परिवार दे सदस्यें बड्डी गिनतरी च इस कैंप च हिस्सा लैता। पुंछ ते कन्नै लगदे इलाकें थमां आए दे लोकें सेहत दी जांच करवाई ते खास विभाग दे डॉक्टरें कोला मश्वरा बी लैता। कैंप च मुफ्त दवाइएं ते जांच सेवा दिती गई। बुजुर्ग फौजिएं गी खास तवज्जो दिती गई तां जे उंदी सहूलियत दा पूरा ध्यान रक्खेआ जाई सकै।



Cricket

ICC T-20 विश्व कप दे मुकाबले च अज्ज ग्रुप-ए च भारत दा मुकाबला नामीबिया कन्नै होगा। ए मैच नमीं दिल्ली च अरुण जेटली स्टेडियम च खेडेया जाग। सूर्य कुमार यादव हुंदी अगुआई आली टीम नै इस दे थमां पैहले USA कन्नै खेडे गेदे मैच च उसी 29 रन्ज कन्नै हराया हा। दवै टीमां टी-20 World Cup च एदे थमां पैहले इक बारी आमने-सामने होई चुकी दियां न- ओबी 2021 च होए दे टी-20 विश्व कप च जिसलै भारतीय टीम दी अगुआई विराट कोहली होर करा रहे हे। भारतीय टीम नै उस मैच गी 9 विकटें कन्नै जितेया हा।

